

Illuni kikkunnit tamanit iserfigineqarsinnaasuni imaluunniit amerlasuunik sulisoqarfutigisuni pisortat sanaartortitsinerini iluarsaassinnikkullu suliaqarnerini (pisortat sanaartortitaat) sanaartornissamut aningaasaliissutit tamakkerlutik 1 %-iinik sanaartukkap silataatigut iluatigullu kusassarneqarnissaannut atugassanik Naalakkersuisut immikkoortitsisaqqullugit peqquneqarnissaannik Inatsisartut aalajangiinissaannik siunnersuut. Aningaasat taakku ingerlatassamut immikkut normulerneqartassapput ukiumoortumillu Aningaasanut inatsisissatut siunnersuummi takuneqarsinnaassallutik.

(Inatsisartuni ilaasortaq Jane Petersen, Inuit Ataqatigiit)

Akissuteqaat

(Ineqarnermut, Attaveqarnermut Angallannermullu Naalakkersuisoq)

Siullermeerneqarnera

Matumani pisortat illuutaanni, tamanit iserfigineqarsinnaasuni, imaluunniit illuni amerlasuunik sulisoqarfiusuni sanaartugassat iluarsagassallu pineqartillugit, aammalu siunnersuut inissialioriternernut, tassungalu ilanngullugu ilinniartunut inaannik sanaartornernut atuutsinnagu, Inatsisartuni ilaasortap Jane Petersenip siunnersuutanut Naalakkersuisut tapersiisinnaapput.

Kisiannili sanaartornermut akiusup 1%-iata illumik kusassaanermut atorneqartussap naammannissaa pingaaruteqarpoq. Sanaartugaq 45 mio. koruuneqarpat, taassuma 1%-ia 450.000 koruuniuvoq. Taamaattumik piumasaqaat taamaallaat sanaartukkanut, katillugit 40 mio. koruuninik amerlanerusunilluunniit nalilinnut, aammalu 40 mio. koruunit sinnerlugit, kisiannili 100 mio. koruunit inorlugit nalilinnut atuutsinneqassanersoq isumaliutigineqarsinnaavoq. 100 mio. koruuninik imaluunniit sinnerlugit nalilinnik sanaartornermi akiusup 1%-ia immikkoortinnejartassaaq.

Aningaasat illuartinneqartut sanaartukkap aalajangersimasup kusassarneqarnissaanut atugassatut immikkoortinnejartassapput, aammalu suleriaaseq »no cure, no pay« malillugu equmiitsuliortut Kalaallit Nunaanni nunaqvissut akornanni unammisitsinikkut neqerooruteqartitsisoqartassalluni. Kusassakkap kulturikkut ingerlatitseqqittuunissa piumasaqaatigineqartassaaq, aammalu oqaluttuarisaanitsinnik oqaluttuaatitsinnillu sorlaqarfekarsinnaallutik. Aamma Kalaallit Nunaat naggorissoq, sassarsimaartoq namminersortorlu pillugu takorluukkanik, immikkut kultureqarnitta paasisimaarinissa eqqarsaatigalugu tunngaveqarsinnaavoq.

Taamatut oqareerluni Nunap Karsiata akiliisinjaassusiata annikinnera, isertitat ikiliartornerat aammalu aningaasartuutit amerliartornerat, taamaattumillu aningaasat tamarmik sukannersumik pingarnersiorneqartariaqarnerat isiginngitsuusaarneqarsinnaanngilaq. Taakkunungalu sanaartugassanut aningaasat ilaapput. Aningaasat eqqumiitsuliortermut atorneqartussaagaluit assersuutigalugu ilinniartunut inissianik amerlanerusunik sanaartornermut atorneqarunik inuiaqatigiit aningaasaqarnerat eqqarsaatigalugu naleqqunnerpaassagaluarpoq.

Aamma pisuni ataasiakkaani aningaasat ataatsimut kusassaanermut salliuinneqarunik iluaqutaanerpaassanersut, imaluunniit suliassap pitsaassusaanut eqquissanersut eqqarsaatigilluassallugu pingaaruteqarpoq.

Sanaartugassat tamarmik suliassamut marlunnik, tassalu sanaartugassartaat ataatsimik aammalukusassagassartaat ataatsimik normoqartinneqassappata ajornartorsiorfiulertussaavoq, Sanaartugassanut Iluarsagassanullu Aningaasaateqarfimmi sanaartugassatut suliassat amerlassutsimikkut ikilisaafffigineqarnissaat Naalakkersuisunit Inatsisartunillu ersarissumik kissaatigineqarmat. Tamatumunnga taarsiullugu kusassagassanut aningaasaliussassat unitsitsinikkut iluarsiivigineqarsinnaapput, taamatuttaarlu aningaasaliissutinit 10%-it qularnaveeqqusiissutit unitsinneqartarsinnaallutik.

Taamatut oqaaseqarluta siunnersuutip oqaaseqaatit matumanisqqummiunneqartut ilannngullugit tapersorsorneqarnissaa, aammalukusunersuutip Inatsisartut Aningaasanut Inatsisaanni oqaasertaliussanut ilannngunneqarnissaa Naalakkersuisunit tapersersinnaavarput.